

山西歸化關收支各款說明書例言

- 一 歸化關稅向係獨立之款專冊詳咨報銷不附庸於司道各庫本編故仍另爲一種以存舊觀
- 一 關稅收支向有內外銷咨達不咨達之分本書依和盤托出之主義將內外銷分別注明
- 一 本書之調製概照來書編入畧予區別性質於原開各款并無增減
- 一 書內開列均屬經常之收支其臨時各款多未列入是以於光緒二十四年及宣統元年報告冊內各數稍有未符
- 一 收支各數仍按滿關之期開列然按諸自正月初一日爲始至年底止之數移前搭後尙不甚懸
- 一 後路防餉向由關稅劃抵在庫撥還以省領解之煩于收支毫無出入故本書內未列防餉之數特于機器局經費支款項下說明
- 一 本書款少數細一覽無遺故僅以收支爲綱并不強爲分類俾免繁蕪

山西全省財政說明書 例言

山西歸化關收支各款說明書目錄

收款項下

額定雜稅

雜稅盈餘

代征土默特額定牲畜稅

油酒麵課

額外溢收雜畜稅

度支部核減二成并六分減平

支款項下

內務府發價并隨解平餘拾費布袋

度支正額并盈餘飯銀

度支部領册飯銀

綏遠城防餉

伊犁官兵俸餉

土默特採買穀價

土默特副都統衙門公費并防兵盤費

各卡所房價并書巡飯食心紅等經費

解司苦缺津貼并協濟薪津

解司練兵處兵餉

監督公費并解司餘剩

幫辦委員薪津

歸綏發審委員薪水

總分各局員司薪水書巡工食心紅等款

機器局經費

山西歸化關收支各款說明書

收款項下

額定雜稅

謹查此款爲國家經常之收入自乾隆二十六年覆准歸化城適中之地設立總局收稅於東西南北四處各設柵欄一座設役稽查是爲歸化設關徵稅之始咸豐四年七月經 撫院恒春 奏稱歸化城口岸西包頭鎮薩拉齊托克托城三處皆濱臨黃河商民販運雜貨由河路行走程途較近每多不赴歸納稅若不設法變通不特稽查難周且稅課有虧所關匪細查西包頭鎮等三處均設有牲畜稅廳凡一切貨物不經過歸化城者即近在西包頭等處交稅蒙 部議准是爲西三處收稅之始又光緒二十九年推廣稅務案內稟明於歸化關東路各廳一律設卡徵收羊毛及牲畜各稅是爲東路收稅之始當關稅歸巡撫兼管時歷年屆滿更委道府監收迨乾隆三十八年巡撫覺羅巴延三 奏准派歸綏道連年接管光緒二十三年巡撫胡聘之具 奏整頓關稅案內添派幫辦委員經管並裁家丁一切均由員司稽徵自此以後並無更張覆查歸化關額定雜稅銀一萬五千兩於乾隆三十五年經 部覆准在案光緒三十四年分造報銀一萬五千兩向歸內銷

雜稅盈餘

謹查此款爲國家經常之收入自乾隆三十五年 戶部覆准歸化城徵收雜稅銀兩以銀一千五百四十八兩有奇作爲盈餘光緒三十四年造報銀一千六百三十七兩三錢七分九釐向歸內銷

代徵土默特額牲畜稅

謹查此款爲國家經常之收入原係專爲稽查盜賣馬匹定有土默特人員記檔之例所收記檔錢文交儲土默特旗庫按年報理藩院核銷乾隆二十六年殺虎口監督期成額奏准歸殺虎關兼收乾隆三十一年土默特副都統吉福條奏蒙古各札薩克趕牲畜來城殺虎口差人記檔收稅不通蒙古語言遇有盜賣無從稽查請派理藩院章京一員管理牲畜記檔稅務乾隆三十四年改歸山西巡撫兼管於綏遠城歸化城和林格爾托克托城薩拉齊西包頭崑崙都崙八十家子等處設局抽收牲畜稅錢光緒二十九年推廣稅務案內稟明於歸化關東路各廳一律設局徵收所得額外盈餘儘徵儘解覆查歸化關額定牲畜稅錢九千串於乾隆二十五年經 部覆准在案光緒三十四年造報錢九千串易銀七千兩向歸內銷

油酒麵課

謹查此款爲國家經常之收入係按舖征收課銀分別上中戶五兩及二兩五錢不等本關歷屆冊報此項係據歸化廳解到無定數例應解部現已隨同雜稅銀兩充入防饑項下光緒三十四年收銀二十七

兩五錢向歸內銷

額外溢收雜畜稅

謹查此款爲國家經常之收入係光緒二十三年五月 撫院胡聘之 奏准派員幫辦除提額定正餘銀兩照章分別收支報銷外再有盈餘作爲額外溢收每屆關滿咨報仍報明溢收銀數並聲明儘數撥充機器局經費光緒三十四年徵銀六萬八千八百九十四兩一錢九分四釐向歸內銷

度支部核減二成並六分減平

謹查此款爲國家經常之收入係光緒十一年蒙准 部咨各關一切支用銀兩一律覈減二成仍每兩按庫平扣減六分給發等因歷年本關報銷扣存減成銀數因內有以錢易銀時估長落不定且有扣建發款故所扣二成銀數歲有增減減平銀數亦因之不能一律光緒三十四年批解減成減平銀三百一十八兩四錢四分四釐一毫向歸內銷

支款項下

內務府侵價並隨解平餘拾費布袋

謹查此款爲國家經常之支出係歷屆布政使詳歸綏道兼管歸化關監督咨同治七年蒙准內務府咨廣儲司銀庫案呈嗣後委解侵價等銀仿照各省關解交之案逕行交納本府歸款再由本府知照戶部

可也所有該道稅務衙門應解侵侵價銀二千兩隨解平餘銀五十兩拾費布袋等銀十六兩以上三項共銀二千六十六兩裝儲三匣備具文批遣差由歸化城管解起程定限二十日到內務府交納光緒三十四年批解銀二千六十六兩向歸內銷

度支部正額並盈餘飯銀

謹查此款爲國家經常之支出係撥解度支部正額飯銀二百二十五兩加平銀三兩三錢零盈餘飯銀十一兩四錢零加平銀一錢零自乾隆三十四年起每屆滿關委員照數批解限二十日到部交納光緒三十四年批解銀二百二十九兩九錢五分五釐七毫向歸內銷

度支部領冊飯銀

謹查此款爲國家經常之支出係每屆滿關解銀八兩隨同正額盈餘飯銀分批呈解光緒三十四年批解銀八兩向歸內銷

綏遠城防餉

謹查此款爲國家經常之支出係光緒七年 巡撫衛榮光咨覆 綏遠城將軍綏遠城防餉自光緒七年正月爲始由省每歲籌撥萬金餘由歸綏道在關稅項下酌撥歲無定額光緒三十四年撥銀一萬一千八百八十一兩八錢七分九釐向歸內銷

伊犁官兵俸餉

謹查此款爲國家經常之支出係光緒七年 綏遠城將軍 奏准每年在歸化關稅正額盈餘項下截留撥充歲無定額光緒三十四年撥解銀三十六兩向歸內銷

土默特採買穀價

謹查此款爲國家經常之支出係同治十三年將軍都統會奏經 大部議准每年由雜稅項下提儲旗庫銀一千五百兩以備每屆三年採買穀石一次之需光緒三十四年撥解銀一千五百兩向歸內銷

土默特副都統衙門公費并防兵盤費

謹查此項銀兩出於牲畜檔稅爲國家經常之支出係從前土默特自收檔稅將每屆收支各數造報理藩院核銷歸殺虎關兼收其土默特歲需公費卽由監督給發足用迨歸化關改歸山西巡撫兼管派道監收每屆於所收牲畜錢文項下提錢九千串易銀七千兩給發又奉部飭以錢易銀有餘內解不敷由歸綏道墊廉奏發光緒三十四年撥解銀七千兩向歸內銷

各卡所房價並書巡飯食心紅等經費

謹查此款爲國家經常之支出係經 撫院鄂奏明奉 部議准分別正額盈餘於雜稅項下支給書役飯食心紅紙張房租等項銀一千二百四十餘兩牲畜稅錢項下支給飯食房租錢一百四十零光緒三

十四年支銷銀一千二百三十九兩扣減成平給發支銷錢一百四十零照時估合銀四十五兩零扣減成平給發向歸內銷

解司苦缺津貼並協濟薪津

謹查此款係國家經常之支出原屬提解院司兩署公費每年銀四千三百兩嗣於光緒八年 經撫院張札飭將公費停止仍將應提銀兩以二千兩作為津貼知府直隸州苦缺之用以二千三百兩作為協濟各局所薪津按年移解司庫分別撥用光緒三十四年共解銀四千三百兩向歸外銷

解司練兵處兵餉

謹查此款為國家經常之支出係歸化關稅務自奏明整頓派員幫辦後每年於溢收稅銀項下呈解撫署公費銀二千兩監督年終津貼銀二千兩光緒三十年奉 前巡撫張批飭一律停止改為代撫署年解報效練兵處銀二千兩代道署年解報效練兵處銀一千八百兩均移解司庫彙解光緒三十四年解銀三千八百兩向歸內銷

監督公費並解司餘剩

謹查此款為國家經常之支出係自光緒二十三年派員幫辦後奉飭年撥道署公費並滿關及午秋兩節津貼銀八千九百兩又錢三千六百串文光緒三十年起奉 前撫院張批飭改為歲支公費銀一萬

二千兩宣統二年奉文另定司道公費案內改爲年支公費銀一萬兩餘銀二千兩分季解司撥充公款
光緒三十四年支銀一萬二千兩向歸內銷

幫辦委員薪津

謹查此款爲國家經常之支出係幫辦委員向月支薪水銀一百兩年終津貼銀一千二百兩光緒三十年起奉 前巡撫張批飭改爲月支薪津銀二百兩光緒三十四年支銀二千四百兩向歸內銷

歸綏發審委員薪水

謹查此項銀兩爲司法經費應作國家經常之支出係光緒三十二年由歸綏道稟經 撫院恩批准接
年在關稅盈餘內提支歸綏發審委員薪水光緒三十四年實提支銀二千兩向歸外銷

總分各局員司薪水書巡工食心紅等款

謹查此款爲國家經常之支出自歸化關派員幫辦以來所有總分卡經費並解京款川雜費向係每年
關滿由委員實銷實報於盈餘稅銀項下開銷尚有年終員司書巡津貼銀四五千兩不等亦由委員開
摺稟准提撥光緒三十年委員趙守差內奉飭令清釐用將總分各卡全年額活支款撥節釐定銀錢數
開摺稟報復奉批飭按照年徵稅數提出一五開支關滿後如有盈餘儘數撥充員司書巡人等滿關津
貼三十年起至三十三年止照提前項一五公費關滿均有盈餘撥充津貼委員關滿報銷並不分款列

報三十四年稅收短絀照提一五公費不但無津貼可提且不敷開支銀二千九百餘兩復經稟請作正開消並擬議嗣後每年總分各卡經費仍照趙守稟准釐定數目開支關滿按稅收照提一五公費如有不敷仍予作正開銷不給員司書巡等津貼如有盈餘提撥津貼銀以一千五十兩錢以二千五十串爲限此外再有盈餘悉數報解奉飭行道核議批准轉行在案光緒三十四年共支銀一萬八千七百四十四兩四錢四分四厘一毫向歸外銷

機器局經費

謹查此項爲國家經常之支出係光緒二十四年經 撫院胡 奏明查歸化關溢收盈餘每年除照提解支各項外餘銀若干儘數撥充機器局經費近年雖將此項稅餘就近撥發後路巡防隊兵餉然司庫仍應照數撥還機器局經費項下以符 奏案光緒三十四年實撥解銀二萬五千二十五兩八錢五分三釐一毫向歸內銷